

АВЛИГАТАЙ ТЭМЦЭХ ГАЗРЫН 2017 ОНЫ ҮЙЛ АЖИЛЛАГААНЫ ТОВЧ ТАЙЛАН

Авлигатай тэмцэх газар 2017 онд Авлигын эсрэг хуульд заасан чиг үүргийг хэрэгжүүлэх чиглэлээр дараахь үйл ажиллагааг хэрэгжүүлэв.

Нэг. Авлигатай тэмцэх үндэсний хөтөлбөрийн хэрэгжилтийг зохион байгуулах чиглэлээр:

“Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөө”-г боловсруулах зорилгоор “Авлига ба хүний эрх” сэдэвт бага хурал, “Авлигын эсрэг үндэсний чуулган” дээр тавигдсан илтгэл, гарсан санал, санаачилга, холбогдох байгууллагуудын удирдах албан тушаалтнуудтай хийсэн уулзалт, хэлэлцүүлгийн дүн, Авлигын эсрэг НҮБ-ын конвенцийн 2, 5 дугаар бүлгийн хэрэгжилтийн үнэлгээний тайлан, зөвлөмжийг судлан, Монгол Улсын Засгийн газрын 2016-2020 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө, “Монгол Улсын тогтвортой хөгжлийн үзэл баримтлал-2030”-тай уялдуулсны зэрэгцээ төрийн болон төрийн бус 78 байгууллагаас санал авч төсөлд тусгах ажлыг зохион байгуулав. Мөн 2016 онд 21 аймагт томилолтоор ажиллах явцад зохион байгуулсан сургалт, хэлэлцүүлгийн явцад гарсан санал, санаачилгыг судлан, төрийн байгууллагуудаас санал авч тусган төслийг эцэслэн боловсруулж танилцуулга, 40 байгууллагаас ирүүлсэн саналын товъёог зэргийн хамт Засгийн газарт өргөн мэдүүлж, хуралдаанаар хэлэлцүүлэн, 2017 оны 4 дүгээр сарын 12-ны өдрийн 114 дүгээр тогтоолоор Авлигатай тэмцэх үндэсний хөтөлбөрт тусгасан 11 зорилт, 83 үйл ажиллагааг хэрэгжүүлэх 216 арга хэмжээ бүхий “Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөө”-г батлуулав.

Хөтөлбөрийг хэрэгжүүлэх чиглэлээр Төрийн албаны зөвлөл, Шүүхийн ерөнхий зөвлөл, Үндэсний аудитын газар, Сангийн яам, Үндэсний хөгжлийн газар, Харилцаа холбоо, мэдээллийн технологийн газар, Төрийн өмчийн бодлого, зохицуулалтын газар, Мэргэжлийн хяналтын ерөнхий газар, Шударга өрсөлдөөн, хэрэглэгчийн төлөө газрын удирдах болон холбогдох албан тушаалтнуудтай тусгайлсан уулзалтыг зохион байгуулж, мэдээлэл, арга зүйн зөвлөмж өгөв.

Мэргэжлийн туслалцаа үзүүлэх, албан хаагчдыг чадавхжуулах чиглэлээр Сангийн яамтай хамтран “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах үйл ажиллагаа, гэрээний үүргээ биелүүлээгүй иргэн, хуулийн этгээдийг нийтэд мэдээлэх асуудал”, ТӨБЗГ-тай хамтран “Худалдан авалтыг бүрэн цахимжуулах ажлын явц, гэрээний үүргээ биелүүлээгүй гүйцэтгэгчийг хар жагсаалтад оруулах ажлыг үр дүнтэй зохион байгуулах арга зам сэдвээр болон “Авлигын эрсдэлийг үнэлэх, албан хаагчидтай ганцаарчилсан болон групп фокус ярилцлага хийх, авлигын эрсдэлийг үнэлэх хүрээнд чанарын судалгаа хийх асуудал” сэдвээр, Европын холбооны Эдийн засгийн тэгш өсөлтийг хангах төслийн зөвлөх Sandra Brigsa болон зөвлөх н.Одмаа нарыг урьж “Хяналт-шинжилгээ, үнэлгээ”-ний чиглэлээр газрын хэлтэс, албадын төлөөллийг оролцуулан тус тус сургалт зохион байгуулсан.

Хөтөлбөр батлагдсанаас хойш хөтөлбөрийн хэрэгжилтийг хангуулах чиглэлээр зохион байгуулсан ажлын талаар Засгийн газрын Хэрэг эрхлэх газар, Гадаад харилцааны яам, Нээлттэй Засгийн түншлэлийн Үндэсний зөвлөл зэрэг байгууллагад, Мянганы сорилтын корпорацитай байгуулах хоёр дахь компакт гэрээтэй холбогдуулан Засгийн газраас Авлигатай тэмцэх үндэсний хөтөлбөрөөс 2017 онд тэргүүлэх чиглэл болгон тодорхойлсон 5 арга хэмжээний хэрэгжилтийн явцын тухай тойм тайланг боловсруулж, Ерөнхий сайдын ажлын алба болон Гадаад харилцааны яаманд тус тус хүргүүлэв.

Хоёр: Урьдчилан сэргийлэх, соён гэгээрүүлэх ажлын талаар:

Үндэсний хөтөлбөрийг хэрэгжүүлэх арга хэмжээний төлөвлөгөөний 4.1.7.4-д заасан “Орон нутгийн гэмт хэргээс урьдчилан сэргийлэх ажлыг зохицуулах зөвлөл болон яам, агентлагийн дэргэд авлигаас урьдчилан сэргийлэх олон нийтийн хяналтын дэд зөвлөлийг

байгуулан ажиллуулах” үйл ажиллагааны хэрэгжилтийг хангах хүрээнд “Олон нийтийн дэд зөвлөлийн ажиллах журам”-д зааснаар яам, агентлагийн дэргэд 60 гишүүнтэй 19 нэгж, аймаг, нийслэлийн Гэмт хэргээс урьдчилан сэргийлэх ажлыг зохицуулах зөвлөлийн дэргэд 108 гишүүнтэй 22 нэгж, улсын хэмжээнд 168 гишүүнтэй 41 нэгж ажиллахаар боллоо. Эдгээр дэд зөвлөлд ажиллах гишүүдийг сонгон шалгаруулж, хамтран ажиллах гэрээг байгуулан хөндлөнгийн хяналт тавих ажлыг улсын хэмжээнд эхлүүллээ.

Олон нийтийн дэд зөвлөлийн гишүүдийг чадавхижуулах орон нутаг дахь гишүүдэд зориулсан арга зүйн сургалтыг цахим зохион байгуулж, 50 гаруй гишүүнийг, “Олон нийтийн хяналт ба хамтын ажиллагаа” сэдвийн хүрээнд яам, агентлаг болон орон нутгийн төрийн байгууллагад хөндлөнгийн хяналтыг хэрэгжүүлэх эрх олгогдсон дэд зөвлөлийн 142 /орон нутагт ажиллах 88 (нийт 92 хамрагдахаас) болон яам, агентлагт ажиллах 54 (нийт 60 хамрагдахаас)/ гишүүнийг сургалтад тус тус хамруулж, мэргжил, арга зүйн удирдлагаар хангав.

Үндэсний хөтөлбөрийг хэрэгжүүлэх арга хэмжээний төлөвлөгөөний 4.1.10.2-ийн 1-д заасан “Ерөнхий боловсролын сургуулийн сургалтын агуулга, хичээлийн хөтөлбөрт шударга ёсны үзэл, хандлагыг бий болгох, авлигыг үл тэвчих үзлийг төлөвшүүлэх асуудлыг тусгах” арга хэмжээний хүрээнд Боловсрол, соёл, шинжлэх ухаан, спортын яамтай хамтран ерөнхий боловсролын сургалтын агуулгад авлигын эсрэг боловсрол олгох асуудлыг тусгасан сургалтын болон багшийг сургах сургалтын хөтөлбөр боловсруулах зөвлөмж өгөв.

“Багшийн мэргэжил дээшлүүлэх институт”-ээс БСШУСЯ, Нийслэлийн боловсролын яамтай хамтран “Багшийн ёс зүйн харилцаа” сургагч багш бэлтгэх сургалтын хөтөлбөр боловсруулахад хамтран ажиллав. Уг сургалтын хөтөлбөрийн агуулгад “Авлигаас ангид байх нь” дэд бүлгийг боловсруулж, нийслэлийн 62, орон нутгийн 760 багшийг бэлтгэх сургалтыг зохион байгуулахад хамтран ажиллаж, 5 удаагийн хичээлийг удирдан явуулсан. Уг хөтөлбөрийн дагуу бэлтгэсэн 760 сургагч багш нийт аймаг, нийслэлийн 36000 багш нарт ёс зүйн сургалтын 2017 оны 8 дугаар сард зохион байгуулсан болно. Түүнчлэн уг сургалтын хөтөлбөрийг ашиглан сургалт хийх багш нарт зориулсан “Багшийн ёс зүй: ёс суртахууны харилцаа” сургалтын гарын авлага хэвлэгдсэн болно.

Үндэсний хөтөлбөрийг хэрэгжүүлэх арга хэмжээний төлөвлөгөөний 4.1.1.6-т заасан “нийтийн албаны ёс зүйн үлгэрчилсэн дүрмийг батлах, ёс зүйн зөрчилд дүн шинжилгээ хийх, шалтгаан нөхцөлийг тогтоох, арилгах, тайлагнах, хэлэлцүүлэх ажлыг хэвшүүлэх” үйл ажиллагааг хэрэгжүүлэх хүрээнд Төрийн албаны зөвлөлийн Ажлын албаны дарга болон Удирдлагын академийн хүний нөөцийн менежментийн тэнхимийн зөвлөх нийтийн албаны ёс зүйн үлгэрчилсэн дүрмийг хэрхэн бий болгох талаар санал солилцох, мэдээлэл авах уулзалтыг зохион байгуулав.

Авлигын эсрэг хууль тогтоомж, авлигын нийгмийн хор аюулыг сурталчлан таниулах “Сургагч багш бэлтгэх” журмын төслийг боловсруулав.

Соён гэгээрүүлэх чиглэлээр. Авлига, ашиг сонирхлын зөрчлөөс урьдчилан сэргийлэх чиглэлээр олон нийтэд мэдлэг, мэдээлэл олгох зорилгоор гэр бүлийн радио “FM 104,5” радиотой хамтран 14 хоног тутмын баасан гарагийн дугаарт УССГХ-ийн албан хаагчид, төрийн бус байгууллагын төлөөлөл, мөн эрдэмтэн, судлаачдыг урьж оролцуулах ажлыг зохион байгуулав. Тухайлбал, авлигыг үл тэвчих үзэл хандлагыг төлөвшүүлэх зорилгоор “Шударга ёс ба бидний хандлага”, авлигын илрэх хэлбэр, шалтгаан, нөлөөлдөг хүчин зүйлсийн талаар ойлголт мэдлэг олгох зорилгоор “Авлига, түүний шалтгаан”, авлигын хор хөнөөлийг тайлбарлан таниулах зорилгоор “Авлига боловсролын чанар хүртээмжид сөргөөр нөлөөлдөг үү?”, авлигаас урьдчилан сэргийлэхэд иргэдийн оролцоо, хяналт тавих, боломж эрх зүйн орчины талаар ойлголт мэдлэг олгох зорилгоор “Иргэд захиргааг хянаж чадах уу”, эрүүл мэндийн салбарын авлигын эрсдэл, иргэд олон нийтийн ташаа хандлагыг өөрчлөх зорилгоор “Эрүүл мэндийн байгууллагын ажилтны ёс зүй, үйлчилгээний чанар хүртээмж” сэдвээр зохион байгуулаад байна.

“Монголын хуульчдын холбоо” ТББ, Улсын ерөнхий прокурорын газар, Цагдаагийн ерөнхий газрын сургалтын хөтөлбөр, төлөвлөгөөнд авлига, ашиг сонирхлын зөрчлөөс урьдчилан сэргийлэх сэдвийг тусгуулж, Хууль зүйн үндэсний хүрээлэнгийн Сургалтын хорооноос 5 албан хаагчид сургагч багшийн эрхийг олгуулах ажлыг зохион байгууллаа.

Улсын ерөнхий прокурорын газрын Сургалтын төвтэй хамтран нийслэл, аймаг, сум дундын прокурорын байгууллагын 525 прокурорт дээр дурдсан сэдвээр онлайн сургалтыг зохион байгуулав.

Авлигатай тэмцэх үндэсний хөтөлбөрийн 4 дүгээр бүлгийн 10 дугаар зорилтын 10.1 дэх “авлигын нийгмийн хор аюулыг ухуулан таниулах, авлигыг үл тэвчих үзлийг төлөвшүүлэхэд иргэн, төрийн болон төрийн бус байгууллагын оролцоог хангах арга хэмжээг үе шаттай хэрэгжүүлэх” ажлын хүрээнд салбар бүрийн төрийн бус байгууллага, мэргэжлийн холбоодтой тулгамдаж буй асуудал, цаашдын хамтран ажиллах боломж, чиглэлийг тодорхойлох зорилгоор цуврал хэлэлцүүлгүүдийг зохион байгууллаа. Уг хэлэлцүүлэгт барилгын салбарын 4, хууль зүйн салбарын 2, санхүүгийн салбарын 1, байгаль орчин аялал жуулчлалын салбарын 2, уул уурхайн салбарын 2, хүнс, хөдөө аж ахуйн салбарын 3 төрийн бус байгууллагын төлөөлөл оролцсон байна.

2017 онд авлига, ашиг сонирхлыг зөрчлөөс урьдчилан сэргийлэх, соён гэгээрүүлэх чиглэлээр 165 удаагийн сургалтад 183 цагийн хичээл зааж, давхардсан тоогоор 11345 иргэнийг сургалтад хамруулав. Эдгээр зохион байгуулсан сургалтын 52.5 хувь нь Авлигатай тэмцэх үндэсний хөтөлбөрийг сурталчлахад чиглэгдсэн байна.

Урьдчилан сэргийлэх чиглэлээр. Авлигын эсрэг хуулийн 6 дугаар зүйлийн 6.1.9-д заасан үүргийн дагуу Хууль зүй, дотоод хэргийн яам, Шүүхийн шийдвэр гүйцэтгэх ерөнхий газар, Иргэний нисэхийн ерөнхий газар, “Диспетчерийн үндэсний төв” ТӨҮГ, Ашигт малтмал, газрын тосны газраас ирүүлсэн Ёс зүйн дүрмийн төслийг хянаж, холбогдох саналыг хүргүүлэв.

Авлигын эсрэг хуулийн 6 дугаар зүйлийн 6.7, 18 дугаар зүйлийн 18.4.2-т заасныг хэрэгжүүлэх зорилгоор бүх яам, агентлаг, нийслэл, дүүргийн хэмжээнд дагаж мөрдөж буй захиргааны хэм хэмжээ тогтоосон актыг хянан үзэж хууль тогтоомжид нийцэхгүй, улсын нэгдсэн бүртгэлд зохих ёсоор бүртгүүлээгүй, авлига, хүнд суртал чирэгдэл, эрх зүйн хийдэл үүсгэсэн зэрэг авлигын эрсдлийг бий болгож буй зарим дүрэм журмыг хүчингүй болгох санал, зөвлөмжийг нийт сайд нарт, захиргааны байгууллага хуульд эрх олгоогүй байхад хэм хэмжээний актыг тогтоон мөрдүүлэх, хэм хэмжээний актын улсын нэгдсэн бүртгэлд бүртгүүлэхгүй байх, хуулиар хэм хэмжээний акт тогтоох эрхгүй этгээд дүрэм, журам батлан мөрдүүлж, иргэн хуулийн этгээдийн үйл ажиллагааг журамлах, төлбөр, хураамж тогтоох зэрэг ялангуяа орон нутгийн түвшинд нийтлэг байгаа зөрчлийг арилгах, давтан гаргахаас урьдчилан сэргийлэх талаар нэгдсэн удирдлагаар хангаж, уг асуудлыг цэгцлэх тухай зөвлөмжийг Хууль зүй дотоод хэргийн сайдад хүргүүлсэн.

Гаалийн ерөнхий газрын харьяа Дорноговь аймгийн Замын-Үүд дэх гаалийн газраас БНХАУ-ын Эрэн хотын гаалийн газартай хамтын ажиллагааны хүрээнд хэрэгжүүлж байгаа 2 улсын хилийн боомтын “Шуурхай нэвтрэх зөвшөөрөл” олгоход баримталж буй эрх зүйн акт, төрийн зарим байгууллагаас энэ чиглэлээр хийсэн шалгалтын материал, уг зөвшөөрлийг авсан Монгол Улсын төрийн болон орон нутгийн өмчийн байгууллагын эзэмшлийн тээврийн хэрэгслүүд улсын хилээр зорчсон талаарх судалгааг 2015, 2016 оны байдлаар нэгтгэн гаргаж, дүн шинжилгээ хийв.

Эрүүл мэндийн яамны харьяа III шатлалын 7 эмнэлэг, Нийслэлийн эрүүл мэндийн газрын харьяа II шатлалын 5 эмнэлэг, анхан шат /Өрхийн эрүүл мэндийн төв/-ны 17 эмнэлэг, нийт 29 эрүүл мэндийн байгууллагын төлбөртэй тусламж үйлчилгээ үзүүлж буй нөхцөл байдлыг газар дээр нь танилцаж, илэрсэн авлига, ашиг сонирхлын зөрчлийн шалтгаан, нөхцөлийг арилгах, таслан зогсоох талаар Эрүүл мэндийн яаманд хандаад байна.

Мөн Сэргээгдэх эрчим хүчтэй холбоотой хураамж тогтоосон эрхийн акт, бусад нөхцөл байдал, Хүнс, хөдөө аж ахуй, хөнгөн үйлдвэрийн яамны эрсдэлтэй ажлын байр, албан тушаалтны судалгаа, тус яаманд 2016 онд иргэдээс ирүүлсэн гомдол, мэдээлэл, Боловсролын салбартай холбогдуулан иргэн, аж ахуйн нэгж, байгууллагаас ирүүлсэн өргөдөл, гомдол, түүний шийдвэрлэлт, Санхүү, эдийн засгийн сайд, Эрүүл мэндийн сайд, Нийгмийн хамгаалал, хөдөлмөрийн сайдаас тогтоосон “Эмнэлгийн мэргэжилтэнд нэмэгдэл, нэмэгдэл хөлс, урамшуулал олгох журам”-ыг авлига гарч болох нөхцөл боломж бүрдүүлсэн эсэхийг нягталж, Төрийн өмчийн бодлого, зохицуулалтын газарт бүртгэгдсэн худалдан авах ажиллагааны

талаарх 2016 оны судалгааг авч дүгнэлт хийж, эдгээр байгууллагуудын үйл ажиллагаан дахь авлигад өртөх боломжийг багасгах талаар заавар, зөвлөмж өгсөн.

Гурав. Судалгаа, шинжилгээний ажлын талаар:

Авлигын эсрэг хуулийн 18 дугаар зүйлийн 18.1.3 болон 18 дугаар зүйлийн 18.1.7-д заасны дагуу Шударга байдлын үнэлгээний судалгаанд хамрагдсан 60 байгууллагыг үнэлэх 2800 иргэн, 1358 төрийн албан хаагч, 594 шинжээчээс цуглуулсан мэдээллийг боловсруулж үр дүнгийн, Улсын Их Хурлын 2008 оны 13 дугаар тогтоолд зааснаар зохион байгуулдаг “Улс төр, шүүх, хууль хяналтын байгууллагын хүрээн дэх авлигын талаарх төсөөлөл”-ийн 2016 оны судалгааны үр дүнгийн тооцооллыг тус тус эцэслэж, үнэлгээний тайланг боловсруулж, олон нийтийн хүртээл болгов.

2017 оны Шударга байдлын үнэлгээний судалгааг 21 аймгийн Засаг даргын Тамгын газрын хамруулсан бөгөөд шударга байдлыг үнэлүүлэх зорилгоор 1680 нэгж (иргэн, төрийн албан хаагч, шинжээч)-ээс мэдээлэл цуглуулаад байна. Судалгааны мэдээлэлд боловсруулалт хийж 2018 оны нэгдүгээр улиралд үр дүнг тооцохоор ажиллаж байна.

Хүүхдийн шударга байдлын түвшин, хүүхдийн ёс зүй, ёс суртахуун, зөв төлөвшилт, хууль сахиx авлигыг үл тэвчих байдал ямар түвшинд байгааг тодорхойлох, өсвөр үеийнхнийг шударга иргэн болгон төлөвшүүлэхийн тулд авч хэрэгжүүлбэл зохих арга хэмжээ, шударга бус хандлагаас урьдчилан сэргийлэх, соён гэгээрүүлэх ажлын чиглэлийг тогтоох зорилгоор “Хүүхдийн шударга байдал-2016” судалгааг Гэр бүл, хүүхэд, залуучуудын хөгжлийн газартай хамтран зохион байгуулав. Судалгааг 21 аймаг, 9 дүүргийн Ерөнхий боловсролын сургуулийн 7-11 дүгээр ангийн 20494 сурагчийг хамруулан зохион байгуулсан ба судалгааны тайланг эцэслэн боловсруулж, үр дүнг танилцуулж ярилцав. Тайланг холбогдох зөвлөмжийн хамт нийтлүүлж, байгууллагын цахим хуудсанд байршуулав. 2017 оны судалгааны мэдээлэл цуглуулах ажлыг Гэр бүл, хүүхэд, залуучуудын газартай хамтран 21 аймаг, 9 дүүргийн хэмжээнд зохион байгуулж, 3480 хүүхдээс цахим хэлбэрээр асуулга аваад байна.

Улс төрийн авлигын төсөөллийн 2016 оны судалгааны үр дүнгийн тооцооллыг цахим хуудсанд байршуулж, хэвлэмэл байдлаар олон нийтийн хүртээл болгосон. 2017 оны судалгаанд 65 шинжээчийг хамруулан зохион байгуулаад байгаа бөгөөд үр дүнг тооцоолох ажлыг 2018 оны нэгдүгээр улиралд багтаан гүйцэтгэхээр ажиллаж байна.

Шүүхийн шийдвэр гүйцэтгэх байгууллагад хийгдсэн авлигын эрсдлийн судалгааны үр дүнгийн тооцооллыг хийв.

Дөрөв: Хяналт шалгалт, дүн шинжилгээний ажлын чиглэлээр

Мэдүүлгийн бүрдүүлэлтийн үйл ажиллагаа болон нийтийн албан тушаалтны хувийн ашиг сонирхол, хөрөнгө орлогын мэдүүлэг /ХАСХОМ/-ийн нэгдсэн дүн мэдээний талаар-Авлигын эсрэг хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн үйлчлэлд хамаарах албан тушаалтнуудын 2016 оны хувийн ашиг сонирхлын мэдүүлэг болон хөрөнгө, орлогын мэдүүлэгийг шинэчлэн бүртгэх ажлыг улсын хэмжээнд зохион байгуулж, Төрийн захиргааны болон нутгийн захиргааны 107 төв байгууллага, тэдгээрийн мэдүүлгийг бүртгэх, хянах, хадгалах эрх бүхий 110 албан тушаалтан /салбар байгууллагын 1396 эрх бүхий албан тушаалтан/-аас ирүүлсэн тайлан мэдээнд хяналт тавьж, нэгдсэн дүн мэдээг гаргаж олон нийтийг мэдээллээр ханган ажилласан.

2017 оны мэдүүлгийн бүрдүүлэлтийн үйл ажиллагааг ХАСХОМ-ийн шинэчилсэн цахим системийн тусламжтайгаар гүйцэтгэв.

Төрийн захиргааны төв болон нутгийн захиргааны 107 байгууллагын мэдүүлгийн бүрдүүлэлтийн 2017 оны тайлан мэдээг гаргуулан авч нэгтгэн албан ёсны дүн мэдээг гаргав. Үүнд: Улсын хэмжээнд нийт 39742 мэдүүлэг гаргагч бүртгэгдсэнээс 39739 мэдүүлэг гаргагч буюу 99.9 хувь нь мэдүүлгээ бүртгүүлсэн. Үүнээс хуульд заасан хугацаандаа 39739 мэдүүлэг

гаргагч бүртгүүлсэн бол 2 албан тушаалтан ХАСХОМ-ээ мэдүүлээгүй буюу баталгаажуулаагүй, 1 албан тушаалтан мэдүүлгээ хугацаа хоцроож мэдүүлсэн байна.

ХАСХОМ гаргасан албан тушаалтнуудын тоон үзүүлэлт сүүлийн 3 жилээр байдаар:

Үзүүлэлт	он	2014	2015	2016
Бүрдүүлбэл зохих		38423	39853	39742
Бүрдүүлсэн нийт мэдүүлэг гаргагчийн тоо		38422	39850	39739
Үүнээс:	Хугацаа хожимдуулж мэдүүлсэн	1	2	1
Мэдүүлгээ гаргаж өгөөгүй		1	3	2
Бүрдүүлэлтийн хувь		99.99	99.99	99.99

Мэдүүлгийн бүрдүүлэлтийн 2017 оны үйл ажиллагааны тоон үзүүлэлт

Үзүүлэлт		2016 оны
Мэдүүлэг гаргавал зохих албан тушаалтны тоо		39742
Мэдүүлгээ гаргасан албан тушаалтны тоо		39739
Үүнээс:	Хуулийн хугацаа хожимдуулж мэдүүлсэн	1
	Мэдүүлгээ гаргаж өгөөгүй	2
Мэдүүлгээ гаргасан нийт 39739 албан тушаалтнаас: /албан тушаалын ангиллаар/	Мэдүүлгээ гаргасан албан тушаалтан	290
	Төрийн улс төрийн албан тушаалтан	7142
	Төрийн тусгай албан тушаалтан	8865
	Төрийн захиргааны албан тушаалтан	10480
	Төрийн үйлчилгээний албан тушаалтан	4434
	Бусад	8528
Бүрдүүлэлтийн хувь		99.9 %

Авлигын эсрэг хуулийн 11 дүгээр зүйлийн 11.1.1, Нийтийн албанд нийтийн болон хувийн ашиг сонирхлын зөрчлийг зохицуулах, ашиг сонирхлын зөрчлөөс урьдчилан сэргийлэх тухай хуулийн 24 дүгээр зүйлийн 24.1.1-т заасан чиг үүргийн дагуу Авлигатай тэмцэх газарт мэдүүлгээ бүртгүүлэх үүрэгтэй төрийн өндөр болон бусад 295 албан тушаалтнаас тухайн албан үүргээ гүйцэтгэж байгаа 290 албан тушаалтан мэдүүлгээ хуулийн хугацаанд шинэчлэн мэдүүлснийг бүртгэж хүлээн авсан бөгөөд эдгээрээс 2016 онд шинээр 189 албан тушаалтан томилогдсон, 14 албан тушаалтан өөрийн хөрөнгийн байдалд орсон их хэмжээний өөрчлөлтөө мэдүүлсэн. 2017 оны Монгол Улсын Ерөнхийлөгчийн сонгуульд нэр дэвшигчдийн ХОМ-ийг бүртгэх, хянах болон сонгуулийн хорооны гишүүдэд Авлигын эсрэг хууль, бусад хууль тогтоомжийг хэрэгжүүлэн ажиллах чиглэлээр тухай бүрт зөвлөмж, чиглэл боловсруулан хүргүүлж Сонгуулийн ерөнхий хороотой хамтран ажилласан.


Авлигатай тэмцэх газарт ХАСХОМ-ээ мэдүүлэх болон бүртгүүлэх үүрэгтэй, шинээр томилогдсон болон сонгогдсон төрийн өндөр болон бусад албан тушаалтнуудыг мэдээлэл арга зүйгээр ханган, ХАСХОМ-ийг хуульд заасан хугацаанд бүртгэн, хяналт тавин ажилласан. Авлигын эсрэг хуулийн 14 дүгээр зүйлийн 14.1 дэх хэсэгт заасан албан тушаалтнуудын 2016 оны хөрөнгө, орлогын мэдүүлгийн хураангуйг Авлигатай тэмцэх газрын <http://www.xasxom.iaac.mn> цахим мэдээллийн сүлжээнд байршуулахаас албан үүргээ гүйцэтгэж байгаа 239 албан тушаалтны /Татварын ерөнхий газрын даргын албан тушаалд томилгоо хийгдээгүй, 2 албан тушаалтан томилогдсоноос хойшхи 30 хоногийн дотор мэдүүлэх

хуулийн хугацаа дуусаагүй болно/ мэдүүлгийг, төрийн өндөр, түүнтэй адилтгах 242 албан тушаалтны 2016 оны ХОМ-ийн хураангуй мэдээллийг цахим хуудсанд нээлттэй байршуулсан.

Сонгуулийн тухай хуулийн 142 дугаар зүйлийн 142.1.3-т заасны дагуу Монгол Улсын Ерөнхийлөгчийн сонгуульд нэр дэвшигчдийн бүртгүүлсэн хөрөнгө, орлогын мэдүүлгийг Сонгуулийн ерөнхий хорооноос гаргуулан авч, нэр дэвшигчдийн хөрөнгө орлогын мэдүүлэгт судалгаа, харьцуулалт хийж, Монгол Улсын Ерөнхийлөгчийн сонгуульд нэр дэвшигчийн хөрөнгө, орлогын мэдүүлгийг хураангуй хэлбэрээр тус газрын www.iaac.mn цахим хуудсанд байршуулж, олон нийтийг мэдээллээр ханган ажиллав.

Дүн шинжилгээний ажлын талаар. Төрийн захиргааны болон нутгийн захиргааны байгууллагаас ирүүлсэн ХАСХОМ-ийн нэгдсэн тайлан, мэдээний дүнгээс үзэхэд хөрөнгө, орлогын их хэмжээний өөрчлөлтийн талаар мэдүүлсэн 853, ашиг сонирхлын зөрчилгүйг илэрхийлсэн мэдэгдэл гаргасан 21941, ашиг сонирхлын зөрчил үүссэн тухай мэдэгдэл, тайлбар гаргасан 629, давхар ажил эрхлэлтийн талаар мэдүүлсэн 93 албан тушаалтан байна.

Мөн 2016 оны ХАСХОМ-ээ шинэчлэн гаргасан мэдүүлэг гаргагчдын 10480 буюу 26.3 хувь нь төрийн захиргааны албан тушаалтан, 8865 буюу 22.3 хувь нь төрийн тусгай албан тушаалтан, 7142 буюу 18.0 хувь нь улс төрийн албан тушаалтан, 4434 буюу 11.2 хувь нь төрийн үйлчилгээний албан тушаалтан, 290 буюу 0.7 хувь нь төрийн өндөр албан тушаалтан, 8528 буюу 21.5 хувь нь төрийн болон төрийн өмчийн оролцоотой аж ахуйн нэгжийн удирдах болон бусад албан тушаалтан байна.



Мэдүүлэг гаргагчдын 26450 буюу 66.5 хувь нь Улаанбаатар хотод, 13289 буюу 33.5 хувь нь орон нутагт байна.



Мэдүүлгийн бүрдүүлэлтийн хяналт, шалгалтын талаар. Авлигын эсрэг хуулийн 13 дугаар зүйлийн 13.5, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 26 дугаар зүйлийн 26.4-т заасан үндэслэлийн дагуу мэдүүлгийн бүрдүүлэлтийн төлөвлөгөөт хяналт шалгалтын хүрээнд багийн системийн дагуу Хууль, зүй, дотоод хэргийн яам, Уул уурхай, хүнд үйлдвэрийн яам зэрэг нийт 9 яам түүний харъяа агентлаг, Засгийн газрын хэрэг эрхлэх газар, Нийслэлийн Засаг даргын Тамгын газар зэрэг нийт 17 байгууллагын нэр бүхий 450 албан тушаалтны ХАСХОМ-т түүвэрчилсэн хяналтыг хэрэгжүүлсэн.

2017 оны 3-6 дугаар сард яам, агентлаг болон төрийн өмчийн 95 байгууллагад мэдүүлгийн бүрдүүлэлтийн чиглэлээр хяналт шалгалтыг хэрэгжүүлж ХАСУМ хянуулаагүй томилсон 1071 болон томилогдсоноос хойш 30 хоногтоо ХАСХОМ мэдүүлээгүй 261, их хэмжээний өөрчлөлтийг 30 хоногт мэдүүлээгүй 261 зөрчил илрүүлсэн. Мөн дээрх байгууллагуудын хуулиар эрх олгогдсон “эрх бүхий албан тушаалтан /ЭБАТ/”-ны үйл ажиллагаатай газар дээр нь танилцаж, шалгахад 17 албан тушаалтны үйл ажиллагаа хангалтгүй байсныг илрүүлж, заавар зөвлөмж, ажлын чиглэл өгөв. Мөн мэдүүлгийн бүрдүүлэлтийн талаар 445 албан тушаалтанд мэргэжил, арга зүйн зөвлөгөө, туслалцаа үзүүлэв.

Мэдүүлгийн бүрдүүлэлтийн хяналт шалгалтын явцад Мэдэгдэл тайлбарыг бүртгэлийг хөтлөөгүй, ЭБАТ нь нууцын баталгаа гаргаагүй, бүрдүүлэлтийн цахим бүртгэлд ХАСУМ хянуулсан бүртгэлийг бүрэн гүйцэд хөтлөөгүй зэрэг дутагдлууд нийтлэг гарсан байна.

1.4 Хувийн ашиг сонирхлын мэдүүлэг болон хөрөнгө, орлогын мэдүүлгийн хяналт, шалгалтын ажлын талаар-2017 онд 276 албан тушаалтны ХАСХОМ-ийг шинээр, өмнөх оны үлдэгдэл 32 буюу нийт 308 албан тушаалтны мэдүүлгийг хүлээн авсан. Үүнээс 274 мэдүүлгийг хянан шалгаж, одоо үлдэгдэл 34 мэдүүлэг хянагдаж байна. Хянан шалгасан мэдүүлгийг өмнөх оны мөн үетэй харьцуулахад 25 нэгжээр буюу 8.4 хувиар буурсан үзүүлэлттэй байна.

Шалгасан нийт мэдүүлгийн 228 буюу 74.3 хувийг төлөвлөгөөт хяналт шалгалтаар, 9 буюу 2.9 хувийг гомдол, мэдээллээр, 29 буюу 9.4 хувийг тус газрын МШХ-ийн хүсэлтээр, 1 буюу 0.3 хувийг ГАХ-ийн хүсэлтээр, 1 буюу 0.3 хувийг УССГХ-ийн хүсэлтээр, 6 мэдүүлгийг бусад үндэслэлээр тус тус шалгасан байна.




ХАСХОМ-ийн хяналт шалгалтаар нийт 43 албан тушаалтанд хуульд заасан хариуцлага тооцуулсан нь өмнөх оны мөн үеийнхтэй харьцуулбал 34 нэгжээр бага буюу 44.2 хувиар буурсан үзүүлэлттэй байна.

ХАСХОМ-ийг хяналт шалгалтаар хариуцлага тооцуулсан албан тушаалтнуудын харьцуулсан судалгаа

он	Өмнөх оны үлдэгдэл ХАСХОМ	Тайлант хугацаанд хүлээж авсан ХАСХОМ	Шалгавал зохих ХАСХОМ-ийн нийт тоо	Үүнээс:		
				Шалгаж шийдвэр лэсэн ХАСХОМ	Жилийн эцсийн үлдэгдэл ХАСХОМ	Хариуцлага тооцуулсан байдал
2016	29	302	331	299	32	77
2017	32	276	308	274	34	43

Гомдол, мэдээллийн хяналт шалгалтын талаар. Иргэн, байгууллага, албан тушаалтнаас 2017 оны байдлаар албан тушаалтны авлига, ашиг сонирхлын зөрчлийг шалгуулахаар хандсан нийт 599 /өмнөх оны үлдэгдэл 38, шинээр хүлээн авсан 561/ байна. өргөдөл, гомдол, мэдээллийг хүлээн авснаас тайлант хугацаанд 556 өргөдөл, гомдол, мэдээллийг хянан шийдвэрлэсэн бөгөөд одоо 43 өргөдөл, гомдол, мэдээлэл ажиллагаанд хянагдаж байна.

Хүлээн авсан өргөдөл, гомдлыг өнгөрсөн оны мөн үеийнхтэй харьцуулахад 270 буюу 45.0 хувиар, хянан шийдвэрлэсэн өргөдөл, гомдол 265 буюу 48.0 хувиар тус тус өссөн үзүүлэлттэй байна.



Хүлээн авсан өргөдөл, гомдол, мэдээллийн 321 буюу 79.9 хувийг иргэн, 67.0 буюу 16.6 хувийг төрийн байгууллага, төрийн өмчит компани, аж ахуйн нэгж, бусад байгууллагаас, 14 буюу 3.5 хувийг нэр хаяг, тодорхойгүй гомдол, мэдээлэл эзэлж байна.

Хяналт шалгалтаар тогтоогдсон нөхцөл байдлын талаар гомдол гаргагч нарт хариуг тухай бүр өгч ажилласан ба түүний 68.0 хувьд нь албан бичгээр, 32.0 хувьд нь амаар, утсаар, цахим сүлжээгээр мэдэгдсэн байна.


Тайлант хугацаанд хүлээж авсан нийт өргөдөл, гомдол, мэдээллийн 284 буюу 47.4 хувийг Улаанбаатар хотоос, 315 буюу 52.6 хувийг орон нутгаас ирүүлснээс Архангай, Баян-Өлгий, Завхан, Орхон, Ховд аймгийн иргэдээс ирүүлсэн өргөдөл, гомдол нийт өргөдөл, гомдлын 15.4 хувийг эзэлж байна.

Өргөдөл, гомдол, мэдээллийг агуулгаар нь авч үзвэл, албаны эрх мэдэл буюу албан тушаалын байдлаа урвуулсан, хэтрүүлсэн талаар 97 /16.2%/, албан тушаалын байдлаа ашиглан өөртөө болон бусдад давуу байдал олгосон, бий болгосон талаар 97 /16.2%/, албан үүргээ гүйцэтгэхдээ ашиг сонирхлын зөрчил гаргаж, албан тушаалтанд тавигдах хориглолт, хязгаарлалтыг зөрчсөн талаар 138 /23.0%/, ашиг сонирхлын зөрчилтэй хууль бус томилгоо, шийдвэр, хууль бус үйлдэл гаргасан талаар 171 /28.5%/, албан тушаалтны ХАСХОМ-ийг шалгуулах талаар 19 /3.2%/, хүнд суртал, ёс зүйн зөрчлийн талаар 41 /6.8%/, худалдан авах ажиллагаа болон тендер сонгон шалгаруулалтын үйл ажиллагаатай холбоотой 36 /6.1%/- гомдол, мэдээлэл байлаа.

Хяналт шалгалтаар албан тушаалтны буруутай үйл ажиллагааг илрүүлж, зөрчил гаргасан 40 албан тушаалтанд хариуцлага тооцуулж, хууль бус шийдвэрийг хүчингүй болгох, хуулийн хэрэгжилтийг хангаж зөрчлийг арилгуулахаар 15 байгууллага, албан тушаалтанд анхааруулж, албан шаардлага хүргүүлсэн. Гэмт хэргийн шинжтэй 85 гомдол, мэдээллийг хянан шалгуулахаар Мөрдөн шалгах болон Гүйцэтгэх ажлын хэлтэст шилжүүлсэн байна.

2017 онд Нийтийн албанд томилогдохоор нэр дэвшсэн 11143 этгээдийн хувийн ашиг сонирхолын урьдчилсан мэдүүлэг /ХАСУМ/-ийг хүлээн авснаас 11115 этгээдийн урьдчилсан мэдүүлгийг хянан шийдвэрлэж холбогдох байгууллагад хариуг хүргүүлсэн, одоо 28 мэдүүлэг хянагдаж байна.

Мэдүүлэг хянасан байдлыг өмнөх оны мөн үетэй харьцуулбал, хянасан мэдүүлэг 3.8 хувиар өссөн үзүүлэлттэй байна. Хянан шалгасан нийт мэдүүлгийн 7786 буюу 70.0 хувийг Улаанбаатар хотоос, 3357 буюу 30.0 хувийг орон нутгаас ирүүлсэн байна.



Аймгуудаас Завхан аймгаас нийтийн албанд томилогдохоор нэр дэвшсэн 259 /2.3 хувь/, Хэнтий аймгаас 239 /2.1 хувь/, Хөвсгөл 222 /2.0 хувь/, Дорноговь аймгаас 214 /1.9 хувь/ этгээдийн мэдүүлгийг хянуулахаар ирүүлсэн нь өндөр үзүүлэлт болж байна.

Хяналт шалгалтаар тогтоогдсон нөхцөл байдлыг авч үзвэл

	Нийт хүлээн авсан ХАСУМ	Хянасан ХАСУМ	Үүнээс:					
			Ашиг сонирхлын зөрчилгүй	Ашиг сонирхлын зөрчлийг анхааруулсан	Илт ашиг сонирхлын зөрчилтэй	Хууль, журамд заасан үндэслэлээр буцаасан	Нарийвчлан шалгах /МШХ, ГАХ-т шалгагдаж байгаа/	Үлдэгдэл
2016	11988	11504	9931	790	39	740	4	484
2017	11143	11115 ⁽⁻²⁾	9329	763	39	968	14	28

Хяналт шалгалтаар хариуцлага тооцуулсан талаар. ХАСХОМ-ийн хяналт шалгалт болон иргэдээс ирүүлсэн гомдол, мэдээллийн хяналт шалгалтаар хөрөнгө, орлогоо худал мэдүүлсэн 43, ашиг сонирхлын зөрчлийн тухай хууль тогтоомжийг зөрчсөн 40, нийт 83 албан тушаалтанд, үүнээс 9 албан тушаалтанд ажлаас халах, 43 албан тушаалтанд албан тушаалын цалинг бууруулах, 31 албан тушаалтанд сануулах сахилгын шийтгэл ногдуулах санал хүргүүлж, гүйцэтгэлд хяналт тавьж ажиллав.

Тайлант хугацаанд ХАСХОМ-ийн мэдүүлгийн хяналт шалгалтаар илэрсэн зөрчлийн дийлэнхийг хөрөнгө борлуулсан орлого, өөрийн болон гэр бүлийн гишүүдийн үүсгэн байгуулсан компани, мөн хадгаламж болон харилцах дансны үлдэгдлийг мэдүүлээгүй буюу дутуу мэдүүлсэн, хөрөнгө, орлогодоо орсон их хэмжээний өөрчлөлтийг хуульд заасан хугацаанд мэдүүлээгүй зөрчлүүд эзэлж байна.

2016 оны 01 дүгээр сарын 01-ний өдрөөс 2016 оны 12 дугаар сарын 01-ний өдрийг хүртэлх хугацаанд нийтийн албан томилогдохоор нэр дэвшсэн этгээдийн хувийн ашиг сонирхлын урьдчилсан мэдүүлгийг хянан шалгаж, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 23 дугаар зүйлийн 23.7-д заасан “илт ашиг сонирхлын зөрчил үүссэн” нэр дэвшигчдийн судалгаа болон тэдгээрийг тухайн албан тушаалд томилсон хуулийн хэрэгжилтийн талаарх судалгааг хийв.

Сургалт, сурталчилгааны ажиллагааны чиглэлээр. 2016 оны Улсын Их Хурлын болон орон нутгийн сонгуулийн дүнгээр Засгийн газрын бүтэц, бүрэлдэхүүний өөрчлөлттэй холбоотойгоор төрийн байгууллагуудын мэдүүлгийг бүртгэх хадгалах эрх бүхий албан тушаалтны 55 орчим хувь, мэдүүлэг гаргагчдын 30 орчим хувь нь өөрчлөгдсөн тул хууль, тогтоомжийг сурталчлах, мэдүүлэг гаргагчдад арга зүйн зөвлөгөө өгөх чиглэлээр сургалт, сурталчилгааны ажлыг тогтмол зохион байгуулав. Үүнд, 21 аймгийн 588 эрх бүхий албан тушаалтан /ЭБАТ/ нарт онлайн хэлбэрээр, Улсын Их Хурлын дэргэдэх байгууллага, Засгийн газрын яам, агентлагийн болон нийслэлийн Засаг даргын Тамгын газрын харъяа байгууллагуудын 110 ЭБАТ-уудад нэгдсэн сургалтыг зохион байгуулсан.

Мөн “Мэдүүлэг гаргагчийн үүрэг”, “Хувийн ашиг сонирхол, хөрөнгө орлогын мэдүүлэг /ХАСХОМ/ шинэчлэн мэдүүлэхэд анхаарах зарим асуудал” сэдвээр Гадаад хэргийн яам,

Онцгой байдлын ерөнхий газар, Монгол банк, Хөдөлмөрийн яам, Хүнс, хөдөө аж ахуйн яам, Эрүүгийн цагдаагийн газар, Үндэсний Аудитын газар, Хил хамгаалах ерөнхий газар гэх зэрэг нийт 40 байгууллагын нийт 5977 мэдүүлэг гаргагч албан тушаалтнуудад, мөн сургалт зохион байгуулж, гарын авлагаар хангасан. Яам, агентлаг, нийслэл, дүүргийн төрийн байгууллагын албан хаагчдад “мэдүүлгийн цахим бүрдүүлэлт, хяналт шалгалтын үйл ажиллагаа”-ны чиглэлээр давхардсан тоогоор 6011, түүний дотор 3813 удирдах албан тушаалтанд сургалт зохион байгуулсан байна.

Мэдүүлгийн бүрдүүлэлтийг хуулийн хугацаанд мэдүүлэх нөхцлийг хангах зорилгоор сурталчилгааны баннерыг өдөр тутмын сонин, сайтад байршуулж, мөн “Хууль сануулсан сурталчилгаа”-ны видеог шинэчлэн хийж, телевизүүдээр тогтмол нэвтрүүлэв.


Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуульд 2017 оны 4 дүгээр сарын 13-ны өдөр хувийн ашиг сонирхлын мэдүүлэг болон хөрөнгө орлогын мэдүүлэг гаргадаг албан тушаалтан, тэдгээрийн хамаарал бүхий этгээд нь тухайн албан тушаалтны албан үүрэг гүйцэтгэх хугацаанд оффшор бүсэд өөрийн нэр дээр банкны данс нээлгэх, мөнгөн хөрөнгө байршуулах, хөдлөх, үл хөдлөх хөрөнгө өмчлөх, хувь нийлүүлэх замаар хуулийн этгээд үүсгэн байгуулах буюу оффшор данстай байх, гадаадад өмчтэй байхыг хориглох тухай нэмэлт, өөрчлөлт орсонтой холбоотойгоор хуулийн заалтыг тайлбарлан таниулах, сурталчлах, мэдээлэл өгөх ажлыг зохион байгуулав.

Засгийн газрын 2017 оны 8 дугаар сарын 31-ний өдрийн 244 дүгээр тогтоолоор оффшор бүсэд хамаарах нутаг дэвсгэрийн жагсаалтыг баталсантай холбогдуулж, яам, агентлаг, аймаг, нийслэлийн 108 байгууллага, албан тушаалтанд хуулийн хэрэгжилтийг ханган ажиллах талаар зөвлөмж хүргүүлээ.


Найм. Мөрдөн шалгах ажлын талаар:

Гэмт хэргийн шинжтэй гомдол, мэдээлэл, түүний шийдвэрлэлт. Тайлангийн хугацаанд авсан гэмт хэргийн шинжтэй 658 гомдол, мэдээллийг хүлээн авсан бөгөөд төрлөөр нь авч үзвэл: албан тушаалын байдлаа урвуулан ашигласан 337, хахууль авсан 63, хахууль өгсөн 76, албан тушаалтан өмч хөрөнгө завшсан 82, хөрөнгө нуусан буюу үндэслэлгүйгээр хөрөнгөжсөн 51, худалдан авах ажиллагааны журам зөрчсөн 48, төсвийн хөрөнгийг зориулалтын бусаар зарцуулсан 50, бусад 6 байна.

Гомдол, мэдээлэлд холбогдон шалгагдсан 709 албан тушаалтнаас төрийн улс төрийн 137, төрийн захиргааны 115, төрийн тусгай 220, төрийн үйлчилгээний удирдах 105, хувийн хэвшлийн аж ахуйн нэгжийн 47, төрийн өмчит хуулийн этгээдийн удирдах 41, бусад 44 албан тушаалтан холбогдон шалгагдсан байна.



Гэмт хэргийн шинжтэй гомдол, мэдээллийн 174 буюу 26.4 хувийг хэрэг бүртгэлтийн хэрэг нээх /эрүүгийн хэрэг үүсгэх/, 375 буюу 58 хувийг хэрэг бүртгэлтийн хэрэг нээхээс татгалзах /эрүүгийн хэрэг үүсгэхээс татгалзах/, 93 буюу 14.3 хувийг харьяаллын дагуу шилжүүлэх саналтай харьяа прокурор шилжүүлэн шийдвэрлэж одоо 16 гомдол, мэдээллийн үлдэгдэлтэй байна.



Нийт шалгасан гомдол, мэдээллийн 397 буюу 60.5 хувь нь Улаанбаатар хотод, 261 буюу 39.5 хувь нь орон нутагт харьяалагдаж байна.

Хэрэг бүртгэлт, мөрдөн байцаалтын хэрэг, түүний шийдвэрлэлт. Тайлант хугацаанд хуульд заасан харьяаллын 1301 үйлдэлтэй, 654 холбогдогчтой, 427 эрүүгийн хэрэгт мөрдөн шалгах ажиллагаа явуулсан байна.

Мөрдөн шалгах ажиллагаа явуулсан хэргийг төрлөөр нь ангилбал:

Эрүүгийн хуулийн 22.1 дүгээр зүйл /Эрх мэдэл, албан тушаалын байдлаа урвуулан ашиглах / гэмт хэрэг-168 буюу 28.7 хувь,

Эрүүгийн хуулийн 22.4 дүгээр зүйл /Хахууль авах/ гэмт хэрэг-115 буюу 19.6 хувь,

Эрүүгийн хуулийн 22.5 дугаар зүйл /Хахууль өгөх/ гэмт хэрэг-110 буюу буюу 18.8 хувь,

Эрүүгийн хуулийн 22.8 дугаар зүйл /Төсвийн хөрөнгийг зориулалтын бусаар зарцуулах/ гэмт хэрэг-28 буюу 4.7 хувь,

Эрүүгийн хуулийн 22.10 дугаар зүйл /Үндэслэлгүйгээр хөрөнгөжих/ гэмт хэрэг-30 буюу 5.1 хувь,

Эрүүгийн хуулийн 18.6 дугаар зүйл /Мөнгө угаах/ гэмт хэрэг 34 буюу 5.8 хувийг эзэлж байна.

Хөрөнгө завших болон бусад хэрэг 101 буюу 17.0 хувийг тус тус эзэлж байна

Эрүүгийн хуулийн 22.3 дугаар зүйл /Гадаад улсын төрийн байгууллага, олон улсын байгууллагын албан тушаалтан эрх мэдлээ урвуулан ашиглах/, Эрүүгийн хуулийн 22.6 дугаар зүйл /Гадаад улсын төрийн байгууллага, олон улсын байгууллагын албан тушаалтныг



хахуульдах/, Эрүүгийн хуулийн 22.7 дугаар зүйл /Улсын нөөцийг хууль бусаар зарцуулах, үрэгдүүлэх/ гэмт хэрэг бүртгэгдээгүй байна.

Мөрдөн шалгасан эрүүгийн хэргээс 106 буюу нийт шалгасан хэргийн 24.8 хувийг шүүхэд шилжүүлэх саналтайгаар прокурорт, 94 буюу 22.0 хувийг хэрэг бүртгэлтийн хэрэг хаах саналтайгаар прокурорт, 48 буюу 11.2 хувийг харьяаллын дагуу шилжүүлж, 14 буюу 3.2 хувийг эрүүгийн хэрэгт нэгтгэж, 2 хэргийг түдгэлзүүлж, одоо 163 эрүүгийн хэргийн үлдэгдэлтэй




мөрдөн байцаалтын ажиллагаа явагдаж байна.


Дээрх үзүүлэлтүүдийг өмнөх оны мөн үетэй харьцуулахад мөрдөн шалгасан хэрэг 192 буюу 81.7 хувиар, шүүхэд шилжүүлэх саналтай прокурорт шилжүүлсэн хэрэг 39 буюу 58.2 хувиар, хэрэг бүртгэлтийн хэрэг хаах саналтай прокурорт шилжүүлсэн хэрэг 51 нэгжээр буюу 2.2 дахин, үлдэгдэл хэрэг 117 буюу 3.6 дахин тус тус өссөн үзүүлэлттэй байна.

Мөрдөгч нарын ажлын ачааллыг дунджаар авч үзвэл жилд 1 мөрдөгч 24.6 гомдол, мэдээлэл, 15.9 эрүүгийн хэрэгт мөрдөн шалгах ажиллагаа явуулсныг өмнөх оны мөн үетэй харьцуулбал, гомдол, мэдээлэл 68.0 хувиар, мөрдөн шалгасан эрүүгийн хэрэг 6.1 хувиар өссөн үзүүлэлттэй байна.

Эрүүгийн хэрэгт 654 хүн шалгагдсан нь өмнөх оны мөн үетэй харьцуулахад 39.2 хувиар өсчээ. Хэрэгт холбогдон шалгагдсан этгээдийн 168 буюу 25.6 хувийг төрийн тусгай, 113 буюу 17.2 хувийг төрийн захиргааны, 109 буюу 16.6 хувийг иргэн, 168 буюу 15,8 хувийг төрийн өмчит болон орон нутгийн өмчит аж ахуйн нэгжийн албан тушаалтан, 58 буюу 8.8 хувийг төрийн улс төрийн, 38 буюу 5.8 хувийг төрийн үйлчилгээний албан тушаалтан эзэлж байна.



2017 онд гэмт хэргийн улмаас 69.546.211.566 төгрөгийн хохирол учирснаас мөрдөн шалгах ажиллагааны явцад 3.412.008.181 төгрөгийг нөхөн төлүүлж үл хөдлөх, хөдлөх, байр, орон сууц, автомашин, тоног төхөөрөмж зэрэг 11 төрлийн 29.338.941.434 төгрөгөөр үнэлэгдэх эд хөрөнгө болон бэлэн мөнгийг битүүмжлэн хамгаалсан байна. Үүнийг өмнөх оны мөн үетэй харьцуулвал, гэмт хэргийн улмаас учирсан хохирол 84.0 хувиар, хохирол нөхөн төлүүлэлт 21.0 хувиар, эд хөрөнгө битүүмжлэх ажиллагаа 175 хувиар буюу 2.8 дахин өссөн үзүүлэлттэй байна.



Цагдаагийн байгууллагын алба хаагчтай холбоотой гэмт хэргийн шинжтэй гомдол мэдээлэл, гэмт хэргийн талаар. Тайлант хугацаанд цагдаагийн албан хаагчдад холбогдох 140 гэмт хэргийн шинж бүхий гомдол мэдээлэл /170 алба хаагч/, 169 үйлдэлтэй, 141 албан хаагчид холбогдох 127 хэрэг хүлээн авч мөрдөн шалгах ажиллагаа явуулсан.

Нийт гомдол мэдээлэлд холбогдуулан шалгасан алба хаагчдыг ангилбал, хэрэг бүртгэлт, мөрдөн байцаалт явуулах эрх бүхий албан тушаалтан 83, газар, хэлтсийн дарга 4, газар хэлтсийн дэд дарга, тасгийн дарга 6, захиргааны хэрэг бүртгэлт явуулах эрх бүхий албан тушаалтан 14, жижүүрийн офицер, эргүүлийн офицер, аж ахуйн офицер 9, хэв журам хамгаалах чиг үүрэг бүхий цагдаа 40, замын цагдаа, офицер 14 байна.



Бүртгэгдсэн гэмт хэргийн шинжтэй гомдол, мэдээллийг Эрүүгийн хуульд заасан гэмт хэргийн ангиллаар авч үзвэл, хүний амьд явах эрх, хүний эрүүл мэндийн халдашгүй байдлын эсрэг 49, өмчлөх эрхийн эсрэг 18, хэрэг шалгах шийдвэрлэх ажиллагааны эсрэг 39, хөдөлгөөний аюулгүй байдлын эсрэг 4, авлигын гэмт хэргийн шинж бүхий 42 гомдол байна.

Гомдол мэдээллийн шийдвэрлэлтийг авч үзвэл, 59 гомдол, мэдээлэлд хэрэг бүртгэлтийн хэрэг нээж, 72 гомдол, мэдээлэлд хэрэг бүртгэлтийн хэрэг нээхээс татгалзаж, 9 гомдлыг харъяаллын дагуу шилжүүлсэн байна.

Цагдаагийн байгууллагын алба хаагчдаас үйлдсэн нийт 127 эрүүгийн хэрэгт мөрдөн шалгах ажиллагаа явуулан шалгаж шийдвэрлэсэн.

Эрүүгийн хэрэгт төв, орон нутгийн цагдаагийн газар, хэлтсийн дарга 5, хэлтэс тасгийн дарга, газрын дэд дарга 13, хэрэг бүртгэлт, мөрдөгч 47, жижүүрийн офицер, аж ахуйн офицер, эргүүлийн офицер 8, цагдаа 54, замын цагдаа, офицер 14 хүнийг холбогдуулан шалгасан байна.



Эрүүгийн хэргийг төрлөөр нь авч үзвэл, хүний амьд явах эрх, хүний эрүүл мэндийн халдашгүй байдлын эсрэг гэмт хэрэг 52, хүний бэлгийн эрх чөлөө, халдашгүй байдлын эсрэг гэмт хэрэг 3, өмчлөх эрхийн эсрэг гэмт хэрэг 7, хэрэг хянан шийдвэрлэх ажиллагааны эсрэг гэмт хэрэг 21, хөдөлгөөний аюулгүй байдлын эсрэг гэмт хэрэг 15, цахим мэдээллийн аюулгүй байдлын эсрэг гэмт хэрэг 6, Хүрээлэн буй орчны эсрэг гэмт хэрэг 2, авлигын гэмт хэргийн 36 үйлдэл бүртгэгдсэн.

Мөрдөн шалгах ажиллагаа явуулсан 127 хэргээс 74 хэргийг буюу 58.3 хувийг эцэслэн шийдвэрлэгдсэн одоо 53 хэрэг буюу 41.7 хувийн үлдэгдэлтэй байна.

Эрүүгийн хэрэг хянан шийдвэрлэхтэй холбоотой бусад ажлын талаар. Тайлант хугацаанд эрүүгийн 16 хэрэгт мөрдөн шалгах ажиллагаа явуулах явцдаа нийт 81 үйлдлийг шинээр илрүүлсэн. Эрүүгийн хэрэг хянан шийдвэрлэх тухай хуулийн 24.1 дүгээр зүйлд заасны дагуу 9 эрүүгийн хэрэгт холбогдуулан нэгжлэг хийх, хураан авах ажиллагаа явуулж, хойшлуулашгүйгээр 26 сэжигтнийг баривчилсан бөгөөд 10 сэжигтэнд эрүүгийн хэрэг үүсгэж, яллагдагчаар татаж цагдан хорих таслан сэргийлэх арга хэмжээг авсан.

Эрүүгийн хэрэг хянан шийдвэрлэх тухай хуулинд заасан үндэслэл, журмын дагуу эрүүгийн 13 хэрэгт нийт 22 орон сууц, 1 авто тээврийн хэрэгсэл, 28 байршил, албан тасалгаанд нэгжлэг хийж хураан авах ажиллагааг явуулсан.

2017 онд 16 эрүүгийн хэрэгт Авлигатай тэмцэх газар, Цагдаагийн ерөнхий газар, Тагнуулын Ерөнхий газрын хамтарсан ажлын хэсэг мөрдөн шалгах ажиллагаа явуулснаас 2 хэргийг гэмт хэргийн бүрэлдэхүүнгүй үндэслэлээр хэрэгсэхгүй болгосон. Авлигатай тэмцэх газар болон Цагдаагийн Ерөнхий газрын даргын хамтарсан ажлын хэсэг 14 хэрэгт, Авлигатай тэмцэх газар, Тагнуулын Ерөнхий газрын хамтарсан ажлын хэсэг 1 эрүүгийн хэрэгт мөрдөн шалгах ажиллагааг үргэлжлүүлэн явуулж байна.

Шүүхэд шилжүүлсэн хэргээс 120 хүнд холбогдох 46 хэрэг шийдвэрлэгдэж, нийт 7.789.110.800 төгрөгөөр үнэлэгдэх эд хөрөнгө, мөнгийг улсын орлого болгох шийдвэр гарсан байна.

Мөрдөн шалгах хэлтсээс гэмт хэргээс урьдчилан сэргийлэх ажлын хүрээнд гэмт хэрэг гарсан шалтгаан, нөхцлийг арилгах талаар мөрдөн байцаагчийн мэдэгдлийг 2017 онд 40 аж ахуй, нэгж байгууллагад хүргүүлснээс 27 мэдэгдлийн хариуг хүлээн авсан байна.

ДҮГНЭЛТ:

1. Байгууллагын хэмжээнд давхардсан тоогоор 150 албан хаагч 1306 хоног томилолтоор ажилласан байна.

2. 2016 оны 12 дугаар сарын 25-ны өдрөөс 2018 оны 01 дүгээр сарын 01-ийг хүртэл хугацаанд иргэд, байгууллага, албан тушаалтнаас нийт 1324 өргөдөл, гомдол, мэдээлэл хүлээн авсан байна. Үүнээс албан бичгээр 394, тусгай дугаарын 1800-1969 дугаарын утсаар 120, биеэр ирж 545, онлайн вэб сайтаар 75, цахимаар 8, шуудангаар 180, факсаар ирсэн 2

гомдол, мэдээлэл байна. Хүлээн авч шалгасан нийт 1324 өргөдөл, гомдлоос гэмт хэргийн шинжтэй гомдол 716 /үүнээс МШХ-ийн шалгасан 658, ГАХ-ийн шалгасан 58/, ашиг сонирхлын зөрчил, ХАСХОМ-тэй холбоотой 551, төрийн байгууллагын ёс зүй, хүнд суртал гаргасан шийдвэртэй холбоотой 21, Захиргааны шинж чанартай, бусад ажилтнуудтай холбоотой бусад 16, харьяалалгүй 20 гомдол байна. Хүлээн авсан өргөдөл, гомдол, мэдээллийг өмнөх оны мөн үетэй харьцуулбал, 339 нэгжээр буюу 25.6 хувиар өссөн үзүүлэлттэй байна.

3. УИХ-аас 2016 оны 51 дүгээр тогтоолоор баталсан “Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөө”-ний төслийг боловсруулан Засгийн газарт өргөн мэдүүлснээр 2017 оны 04 дүгээр сарын 12-ны өдрийн 114 дүгээр тогтоолоор батлагдав.

4. УИХ-ын Хууль зүйн Байнгын хорооны 2017 оны 01 дүгээр сарын 03-ны өдрийн 01 дүгээр тогтоолоор 2012 оны 5-р тогтоолд нэмэлтээр “ХАСУМ, ХАСХОМ цахим хэлбэрээр мэдүүлсэн тухай баталгааны маягт”, “Мэдүүлгийг хянах, хадгалах, бүртгэх ЭБАТ-аас гаргуулах баталгааны маягт”-ыг 7 дугаар хавсралтаар батлуулав. Энэ нь мэдүүлэг гаргагч болон мэдүүлгийг бүртгэх, хянах, хадгалах эрх бүхий албан тушаалтны ажлын ачааллыг багасгасан үр дүнтэй ажил болохоос гадна бичиг, цаасны зардалд зарцуулагдаж байсан төсвийн хөрөнгийг тодорхой хэмжээгээр бууруулж, хэмнэх нөхцөл бүрдэв.

5. Монгол Улсад Авлигатай тэмцэх байгууллага үүсэн байгуулагдсаны 10 жилийн ойг тэмдэглэн өнгөрүүлэх ажлын хүрээнд 2017 оны 01 дүгээр сарын 11-ний өдөр “Авлигын эсрэг үндэсний чуулган”-ыг Төрийн ордонд зохион байгуулав. Үндэсний чуулганыг үндсэн хуралдаан, 4 салбар хуралдаан гэсэн үндсэн бүтэцтэйгээр зохион байгуулсан бөгөөд эдгээр хуралдаанд төрийн болон нутгийн захиргааны байгууллага, шүүх болон хууль сахиулах байгууллага, бизнесийн байгууллага, хэвлэл мэдээллийн хэрэгсэл, иргэний нийгмийн байгууллага, Монгол Улсад суугаа гадаадын дипломат төлөөлөгчийн газар, олон улсын байгууллагыг төлөөлсөн нийтдээ 500 орчим зочин, төлөөлөгч оролцов.

6. УИХ-ын гишүүд, Хууль зүйн байнгын хорооны гишүүдээс Авлигатай тэмцэх газрын үйл ажиллагаатай танилцах ажиллагааны хүрээнд Авлигын эсрэг хуульд заасан чиг үүргийн хэрэгжилтийн талаар болон “Авлигатай тэмцэх үндэсний хөтөлбөр”-ийн талаар мэдээлэл, танилцуулга хийж, харилцан санал солилцов.

7. “Авлигатай тэмцэх үндэсний хөтөлбөр”-ийг танилцуулах, сурталчлах, Яам, агентлагийн дэргэд болон нийслэл, дүүргийн Гэмт хэргээс урьдчилан сэргийлэх ажлыг зохицуулах салбар зөвлөлийн дэргэд ажиллах авлигаас урьдчилан сэргийлэх Олон нийтийн хяналтын дэд зөвлөлийн гишүүдийг сонгон шалгаруулах, авлигын эсрэг хууль тогтоомжийн хэрэгжилттэй газар дээр нь танилцах, иргэдээс гомдол, мэдээлэл хүлээн авах, авлигын эрсдийн үнэлгээ хийх, авлигын эсрэг сургалт зохион байгуулах, арга зүйн туслалцаа үзүүлэх зорилгоор 7 багийн бүрэлдэхүүнийг томилон тодорхой удирдамжийн дагуу 2017 оны 03 дугаар сарын 13-ны өдрөөс 13 яам, 27 агентлаг, 55 төрийн болон төрийн өмчийн оролцоотой аж ахуйн нэгж /нийт 95/-д, 10 дугаар сарын 25-ны өдрөөс 21 аймаг, 94 суманд ажиллав.

8. Төрийн байгууллагуудын авлигын эрсдлийг тодорхойлж, авлига, ашиг сонирхлын зөрчилтэй холбоотой тогтоогдсон нийтлэг дутагдал, цаашид авлига, ашиг сонирхлын зөрчлөөс урьдчилан сэргийлэх, авлигын эрсдлийг бууруулах, илэрсэн зөрчил дутагдлыг арилгах, дахин гаргуулахгүй байх чиглэлээр Төрийн албаны зөвлөл, Үндэсний аудитын газартай хамтран Хууль зүй, Дотоод хэргийн яам, Байгаль орчин, Аялал жуулчлалын яам, Уул уурхай, хүнд үйлдвэрийн яам, Хөдөө аж ахуй, хөнгөн үйлдвэрийн яам, Боловсрол, шинжлэх ухаан, спортын яам, Эрүүл мэндийн яам, Нийгмийн хамгаалал, хөдөлмөрийн яам, Барилга, хот байгуулалтын яам, Зам тээвэр, хөгжлийн яам, Эрчим хүчний яам, Батлан хамгаалах яам, Гадаад харилцааны яам зэрэг 12 яамны Төрийн нарийн бичгийн дарга нар болон бусад эрх бүхий албан тушаалтнууд, Нийслэлийн Засаг даргын Тамгын газар, Төрийн өмчийн бодлого, зохицуулалтын газар, 9 дүүрэг, Төрийн өмчийн оролцоотой аж ахуйн нэгжүүдийн эрх бүхий албан тушаалтнуудыг тус тус оролцуулан 16 удаагийн хэлэлцүүлэг зохион байгуулж, хяналт үнэлгээний явцад тогтоогдсон нөхцөл байдлыг танилцуулан, санал солилцож, зөвлөмж өгөв.

9. Яам, агентлаг, төв, орон нутгийн төрийн бусад байгууллага, төрийн өмчийн оролцоотой аж ахуйн нэгжийн үйл ажиллагаа, авлигын эрсдэл, түүний эрсдлийг бууруулах,

ашиг сонирхлын зөрчлөөс урьдчилан сэргийлэх чиглэлээр 13 яамдын сайд нарт болон Монгол Улсын Ерөнхий сайд, Монгол Улсын Шадар сайд нарт авлигаас урьдчилан сэргийлэх зорилгоор гаргасан Зөвлөмжийг гардуулан өглөө.

10. Дэлхийн банкны буцалтгүй тусламжаар хэрэгжсэн “Авлигаас урьдчилан сэргийлэх ажиллагаа, хяналт шалгалтыг бэхжүүлэх” төслийн хүрээнд Хувийн ашиг сонирхлын мэдүүлэг болон хөрөнгө орлогын мэдүүлгийн програм хангамжийг шинэчлэх ажлыг “Аксис Системс” ХХК-тай хамтран хэрэгжүүлж 2017 оны 01 сарын 01-нээс эхлэн 2016 оны мэдүүлэг гаргах нийт 39742 төрийн албан хаагчийг мэдүүлгийг шинэчилсэн цахим системээр авах техник нөхцөлийг бүрдүүлж, системийн хэвийн ажиллагааг ханган ажиллав.

11. Хөрөнгө орлогын мэдүүлгийн цахим системийн шинэчлэл, сайжруулалтыг хийж, төрийн бусад байгууллагын мэдээллийн санг цахимаар солилцох болсноор авлига, ашиг сонирхлын зөрчлөөс урьдчилан сэргийлэх, авлигын гэмт хэрэгтэй тэмцэх ажилд шаардлагатай, уялдаа бүхий үнэн зөв мэдээллээр хангагдах, улмаар гомдол, мэдээлэл, ХАСХОМ, ХАСУМ хянах, гэмт хэргийн шинжтэй гомдол мэдээллийг шалгах үйл ажиллагаанд цаг хугацаа хэмнэх нөхцөл хангагдав.

12. Тусгай дугаарын утас /18001969/-аар авлига, ашиг сонирхлын зөрчлийн талаар хүлээн авсан мэдээлэл, багийн ажлын тайлан, мэдээ, мэдээллийн сан үүсгэх бүртгэлийн систем боловсруулж, хэрэглээнд нэвтрүүлснээр мэдээ, мэдээллийн нэгдсэн сан бий болж, судалгаа, дүн шинжилгээнд суурилан урьдчилан сэргийлэх арга хэмжээг оновчтой зохион байгуулах нөхцөл бүрдэв.

13. Шүүхэд шилжүүлэх саналтай прокурорт шилжүүлсэн хэрэг 39 нэгж буюу 58.2 хувиар өсч, мөрдөн шалгасан хэрэг 192 буюу 81.7 хувиар, шүүхэд шилжүүлэх саналтай прокурорт шилжүүлсэн хэрэг 39 нэгжээр буюу 58.2 хувиар, хэрэг бүртгэлтийн хэрэг хаах саналтай прокурорт шилжүүлсэн хэрэг 51 нэгжээр буюу 2.2 дахин тус тус өссөн үзүүлэлттэй байна.

14. НҮБ-аас тунхагласан Авлигын эсрэг олон улсын өдрийг тохиолдуулан Ил тод, нээлттэй засаглал ба олон нийтийн хяналтын тогтолцоог ханган хэрэгжүүлэхэд чиглэсэн сургалт, соён гэгээрүүлэх үйл ажиллагаа явуулах зорилготой “Олон нийтийн төв”-ийг 2017 оны 12 дугаар сарын 09-ний өдөр албан ёсоор нээв.

15. Аймаг, нийслэлийн Гэмт хэргээс урьдчилан сэргийлэх ажлыг зохицуулах зөвлөл болон яам, агентлагийн дэргэд ажиллах Авлигаас урьдчилан сэргийлэх Олон нийтийн хяналтын дэд зөвлөлийн гишүүдийг хамруулан “Олон нийтийн хяналт ба хамтын ажиллагаа” сэдэвт сургалтыг зохион байгууллаа. Сургалтад аймаг, нийслэлийн Гэмт хэргээс урьдчилан сэргийлэх ажлыг зохицуулах зөвлөлийн дэргэд ажиллах олон нийтийн хяналтын дэд зөвлөлийн 88, яам, агентлагийн дэргэд ажиллах 54, нийт 142 гишүүн хамрагдаж, “Хамтран ажиллах гэрээ”-г гурвалсан хэлбэрээр байгуулан, үйл ажиллагааг эхлүүлэх нөхцөл бүрдэв.

16. Авлигаас урьдчилан сэргийлэх, олон нийтийг соён гэгээрүүлэх үйл ажиллагаанд хүүхэд, залуусын оролцоо, хамтын ажиллагааг нэмэгдүүлэх, тэдгээрийн идэвхи санаачилгыг дэмжих зорилгоор Монголын залуучуудын холбоо, Монголын оюутны холбоо, Монголын сурагчдын холбоо болон зарим сургуулийн оюутны холбоо зэрэг төрийн бус 12 байгууллагын төлөөллийг оролцуулан “Авлигатай тэмцэхэд залуу үеийн үүрэг оролцоо” сэдэвт уулзалт, хэлэлцүүлгийг амжилттай зохион байгуулав.

17. “Авлигатай тэмцэхэд залуу үеийн үүрэг оролцоо” сэдэвт уулзалт, хэлэлцүүлгийн үеэр цаашид авлигаас урьдчилан сэргийлэх, соён гэгээрүүлэх чиглэлээр тогтмол арга хэмжээ зохион байгуулж, оюутан залуусын идэвхи оролцоог өрнүүлэх зорилгоор Монголын Залуучуудын холбоо, Монголын оюутны холбоо, Монголын сурагчдын холбоо болон Хүмүүнлэгийн ухааны их сургуулийн оюутны холбоотой хамтран ажиллах “Санамж бичиг” байгууллаа.

18. 2017 онд 276 албан тушаалтны ХАСХОМ-ийг шинээр, өмнөх оны үлдэгдэл 32 буюу нийт 308 албан тушаалтны мэдүүлгийг хүлээн авсан. Үүнээс 274 мэдүүлгийг хянан шалгасан байна. ХАСХОМ-ийн хяналт шалгалтаар нийт 43 албан тушаалтанд хуульд заасан хариуцлага тооцуулсан. Иргэн, байгууллага, албан тушаалтнаас албан тушаалтны авлига, ашиг

сонирхлын зөрчлийг шалгуулахаар хандсан нийт 599 /өмнөх оны үлдэгдэл 38, шинээр хүлээн авсан 561/ өргөдөл, гомдол, мэдээллийг хүлээн авснаас тайлант хугацаанд 556 өргөдөл, гомдол, мэдээллийг хянан шийдвэрлэсэн. Хүлээн авсан өргөдөл, гомдлыг өнгөрсөн оны мөн үеийнхтэй харьцуулахад 270 буюу 45.0 хувиар, хянан шийдвэрлэсэн өргөдөл, гомдол 265 буюу 48.0 хувиар тус тус өссөн үзүүлэлттэй байна. Нийтийн албанд томилогдохоор нэр дэвшсэн 11143 этгээдийн хувийн ашиг сонирхолын урьдчилсан мэдүүлэг /ХАСУМ/-ийг хүлээн авснаас 11115 этгээдийн урьдчилсан мэдүүлгийг хянан шийдвэрлэж холбогдох байгууллагад хариуг хүргүүлсэн дүнтэй байна.

19. Шүүхэд шилжүүлэх саналтай прокурорт шилжүүлсэн хэрэг 39 нэгж буюу 58.2 хувиар өсч, мөрдөн шалгасан хэрэг 192 буюу 81.7 хувиар өссөн үзүүлэлттэй байна. 2017 онд гэмт хэргийн улмаас 69.546.211.566 төгрөгийн хохирол учирснаас мөрдөн шалгах ажиллагааны явцад 3.412.008.181 төгрөгийг нөхөн төлүүлж үл хөдлөх, хөдлөх, байр, орон сууц, автомашин, тоног төхөөрөмж зэрэг 11 төрлийн 29.338.941.434 төгрөгөөр үнэлэгдэх эд хөрөнгө болон бэлэн мөнгийг битүүмжлэн хамгаалсан байна. Үүнийг өмнөх оны мөн үетэй харьцуулвал, гэмт хэргийн улмаас учирсан хохирол 84.0 хувиар, хохирол нөхөн төлүүлэлт 21.0 хувиар, эд хөрөнгө битүүмжлэх ажиллагаа 175 хувиар буюу 2.8 дахин өссөн үзүүлэлттэй. Шүүхэд шилжүүлсэн хэргээс 120 хүнд холбогдох 46 хэрэг шүүхээр шийдвэрлэгдсэн бөгөөд нийт 7.789.110.800 төгрөгөөр үнэлэгдэх эд хөрөнгө, мөнгийг улсын орлого болгох шийдвэр гарсныг өмнөх оны мөн үетэй харьцуулбал, шүүхээр шийдвэрлэгдсэн хэрэг 20 нэгжээр, улсын орлого болгохоор шийдвэрлэсэн эд хөрөнгө, мөнгөний хэмжээ өссөн үзүүлэлттэй байна.

2017 онд гэмт хэргийн улмаас учирсан 11.201.118.981 төгрөгийн хохирлыг барагдуулж улсын төсөвт төвлөрүүлжээ.

20. Байгууллагын 2017 оны төсөв 10.402.752.300 төгрөгөөр батлагдсанаас хууль тогтоомжид заасны дагуу захиран зарцуулснаар оны эцэст 49.1 сая төгрөгийг улсын төсөвт төвлөрүүлэв. Гүйцэтгэл 10.352 мянган төгрөг байна.

21. Төсвийн ерөнхийлөн захирагч, төсвийн шууд захирагч, гүйцэтгэх ажил, Дэлхийн банкны жилийн санхүүгийн хөрөнгө, эх үүсвэрийг нэгтгэсэн санхүүгийн 2016 оны тайлан тэнцлийг цаг хугацаанд нь стандартын дагуу гарган, шилэн дансны хуулийн хэрэгжилтийг ханган ажилласан бөгөөд Үндэсний аудитын газраас хийсэн аудитын дүгнэлтээр зөрчилгүй дүгнэгдэв.

22. Албан хаагчдыг багийн зохион байгуулалтад шилжүүлснээр хэлтэс, албадын ажлын уялдаа сайжирч, харилцан хамтран ажиллахад эерэг нөлөө үзүүлж байна.